

**DOKUMENT OKVIRNOG BUDŽETA
OPĆINE BANOVIĆI ZA PERIOD
2021. – 2023. GODINA**

Banovići, juni 2020. godine

SADRŽAJ:

1. Uvod
2. Srednjoročne makroekonomske pretpostavke i prognoze
3. Srednjoročna fiskalna politika
4. Politika prihoda za nivo Tuzlanskog kantona
5. Prihodi budžeta općine Banovići
6. Rashodi budžeta općine Banovići

Na osnovu člana 15, 16, 17 i 18. Zakona o budžetima u Federaciji Bosne i Hercegovine („Sl.novine Federacije BiH“,br:102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), Općinski načelnik donosi

DOKUMENT OKVIRNOG BUDŽETA OPĆINE BANOVIĆI ZA PERIOD 2021. – 2023. GODINA

1. UVOD

U skladu sa Zakonom o budžetima Federacije Bosne i Hercegovine izrađen je Dokument okvirnog budžeta Općine Banovići (DOB) što ima za cilj projekciju prihoda i gornju granicu rashoda za naredni trogodišnji period. Cilj DOB-a je da pomogne da se razvije kvalitetniji strateški osnov za srednjoročno planiranje Budžeta i godišnji budžet.

Dokument okvirnog budžeta za period 2021. - 2023. godina izlaže fiskalnu strategiju i budžetske planove za slijedeće tri godine i ima za cilj da razvije bolju stratešku osnovu za pripremu budžeta. DOB predstavlja preliminarni okvirni nacrt budžeta za 2021. godinu, te daje predviđanja za 2022. - 2023. godinu.

U skladu sa odredbama člana 17. Zakona o budžetima Federacije Bosne i Hercegovine, Dokument okvirnog budžeta općine Banovići za period 2021.- 2023. godina urađen je na osnovu sljedećih dokumenata Ministarstva finansija Tuzlanskog kantona:

- Smjernice ekonomske i fiskalne politike Tuzlanskog kantona za period 2021-2023. godine, broj:02/1-11-11224/20 od 02.06.2020. godine,
- Makroekonomskih pokazatelja za period 2018.-2023. godina Direkcije za ekonomsko planiranje (DEP), april 2020. godina
- Revidirane projekcije prihoda od indirektnih i direktnih poreza općina Tuzlanskog kantona za 2020. godinu i projekcije za period 2021.-2023. godina broj:07/1-11-9510/20 od 08.05.2020. godine,
- Revidiranih projekcija prihoda od indirektnih poreza za 2020.,2021.,2022. i 2023. godinu, broj:05-05-337-4/19 od 18.05.2020. godine dostavljenih od JU Direkcija regionalnih cesta TK.

Služba za budžet, finansije i inspeksijske poslove dostavlja Načelniku prijedlog DOB-a na razmatranje i usvajanje, a kao osnov za pripremu , planiranje i izradu budžeta i finansijskih planova općine Banovići za 2021. godinu.

2. SREDNJOROČNE MAKROEKONOMSKE PRETPOSTAVKE I PROGNOZE

Jedan od osnovnih preduslova održivog ekonomskog rasta te povećanja zaposlenosti jeste makroekonomska stabilnost. Makroekonomska stabilnost ostvarit će se efikasnim upravljanjem javnim finansijama kroz daljnje unapređenje procesa upravljanja državnim budžetom, fiskalnu konsolidaciju i efikasno upravljanje javnim dugom, jačanje sistema unutrašnjih finansijskih kontrola i unutašnje revizije te razvojem makroekonomske statistike. U ovom poglavlju riječ je o najnovijim makroekonomskim kretanjima u BiH, Federaciji BiH i Tuzlanskom kantonu, s fokusom na 2019. godinu, kao i o projiciranom makroekonomskom okviru za naredni srednjoročni period. Korišteni historijski podaci, koji su ujedno bili i osnov za izradu makroekonomskih procjena i projekcija, prikupljeni su od svih relevantnih statističkih institucija u zemlji, kao i ostalih relevantnih domaćih i međunarodnih institucija.¹

2.1. Ekonomski rast

Bosna i Hercegovina je, prema prvim procjenama, u 2019. godini ostvarila rast od 2,6% u odnosu na 2018. godinu, potaknut jačanjem domaće tražnje i povoljnim kretanjima u međunarodnom ekonomskom okruženju. Glavno uporište ostvarenog ekonomskog rasta tokom ovog perioda predstavljala je domaća tražnja kroz povećanje finalne potrošnje i u manjoj mjeri investicija. Povećanje privatne potrošnje prilično jasno zbog povećanja broja zaposlenih i penzionera, kao i njihovih primanja u realnom smislu, te novčanih priliva iz inostranstva koji su doveli i do povećanja raspoloživog dohotka građana. S druge strane, prilikom interpretacije doprinosa od strane investicija potrebna je doza opreznosti obzirom da ova komponenta uključuje i zalihe. Vanjski sektor odnosno neto izvoz usljed pada izvoza i povećanja uvoza je imao negativan uticaj na kretanje ekonomskog rasta u Bosni i Hercegovini tokom posmatranog perioda.

Direkcija za ekonomsko planiranje (DEP), pri Vijeću Ministara Bosne i Hercegovine izradila je makroekonomske pokazatelje na nivou Bosne i Hercegovine, koji se daju u slijedećem tabelarnom pregledu:

¹ Smjernice ekonomske i fiskalne politike TK za period 2021.-2023godina, broj:02/1-11-11224/20 od 02.06.2020.godine.

Tabela 1. – Makroekonomski pokazatelji za BiH za period 2018.- 2023. godine

Indikator	Zvanični podaci	PROJEKCIJE				
	2018.	2019.	2020.	2021.	2022.	2023.
Nominalni BDP u mil. KM	34,023	35,365	34,846	36,340	38,077	39,826
Nominalni rast u %	5,2	3,9	-1,5	4,3	4,8	4,6
BDP deflator (prethodna godina = 100)	101,91	100,70	100,90	101,40	101,70	101,40
Realni BDP u mil. KM (prethodna godina = 100)	33,399	35,116	34,551	35,826	37,449	39,286
Realni rast u %	3,3	3,2	-2,3	2,8	3,1	3,2
Inflacija mjerena indexom potrošačkih cijena u %	1,4	0,6	0,2	1,2	1,3	1,4
Potrošnja u mil. KM	32,048	32,931	32,736	33,670	34,830	36,055
Realni rast u %	2,0	1,8	-1,0	1,4	1,7	1,7
Vladina potrošnja u mil. KM	6,611	6,776	6,959	7,098	7,325	7,545
Realni rast u %	0,9	1,0	1,9	0,5	0,7	0,5
Privatna potrošnja u mil.	25,437	26,155	25,777	26,572	27,505	28,510
Realni rast u %	2,3	2,0	-1,7	1,7	1,9	2,1
Investicije (bruto) u stalna sredstva u mil. KM	6,310	6,857	6,215	6,735	7,397	8,077
Realni rast u %	9,2	8,3	-10,5	7,1	8,1	7,7
Vladine investicije u mil. KM	859	954	920	1,042	1,176	1,307
Realni rast u %	15,4	9,4	-5,0	11,6	10,0	8,5
Privatne investicije u mil.	5,451	5,903	5,295	5,692	6,222	6,769
Realni rast u %	8,3	8,1	-11,4	6,3	7,8	7,5
Uvoz robe u mil.KM	19,097	19,955	18,549	19,478	20,828	22,520
Nominalan rast u %	6,7	4,5	-7,0	5,0	6,9	8,1
Realni rast u %	3,7	2,5	-6,1	3,2	4,5	5,1
Izvoz robe u mil.KM	14,087	14,850	13,821	14,726	15,976	17,471
Nominalan rast u %	10,0	5,4	-6,9	6,5	8,5	9,4
Realni rast u %	6,1	3,4	-6,4	4,3	5,8	6,7
Nacionalna bruto štednja u % BDP-a	16,9	18,4	16,8	17,7	18,4	18,8
Bilans tekućeg računa u mil. KM	-1,236	-1,022	-975	-990	-1,084	-1,320
Rast u %	-9,1	-17,4	-4,5	1,5	9,4	21,8
Bilans tekućeg računa u % BDP-a	-3,6	-2,9	-2,8	-2,7	-2,8	-3,3

IZVOR:DEP-april 2020.godine

Prvi kvartal 2020.godine karakteriše dodatno usložnjavanje međunarodnih ekonomskih prilika uzrokovanih pojavom virusa Covid-2019 sa negativnim odrazom na privredna kretanja u svijetu i regionu, a samim tim i u cijeloj Bosni i Hercegovini. Intezitet i dužina trajanja novonastalih okolnosti u suštini će odrediti kretanje ekonomskog rasta kako kratkoročno tako i u srednjem roku.

Prije same analize ekonomskih kretanja u Bosni i Hercegovini, vrijedi istaći da u vrijeme pripreme ovog izvještaja sve međunarodne referentne institucije (MMF, Svjetska banka, EC) na sedmičnoj bazi vrše revizije projekcije ekonomskih kretanja za 2020. godinu što predstavlja dodatni hendikep u pripremi ovog izvještaja obzirom da se radi o srednjoročnom planiranju. Najaktuelniji referentni dokument Svjetske Banke "Fighting COVID-19, Europe and Central Asia Economic Update (Spring)" predviđa drastičan pad BDP-a na širem evropskom i euro- azijskom području u intervalu od -2,8% i -4,4% u 2020. godini u zavisnosti o dužini trajanja i intezitetu širenja pandemije Covid-19.

Što se tiče regiona Zapadnog balkana, pa i same Bosne i Hercegovine procjenjuje se pad ekonomskog rasta od -1,9% do -3,2% u slučaju prelijevanja krize u drugu polovinu 2020.godine. Unatoč neizvjesnosti o dužini trajanja i kvantifikaciji posljedica pandemije Covid-19 na svjetsku privredu nema nikakve sumnje da će ekonomske posljedice biti izrazito negativno. Tako je već sada sasvim izvjesno da će širenje ovog virusa prvenstveno dovesti do usporavanja svjetske trgovine, a posljedično i ostalih komponenti ekonomskog rasta kao što su investicije i privatna potrošnja. Ovakva kretanja u međunarodnom ekonomskom okruženju vrlo vjerovatno će dovesti do dodatnog slabljenja kako izvozne, tako i domaće tražnje u prvoj polovini 2020. godine.

Imajući u vidu sve navedene okolnosti i određene kratkoročne pokazatelje o ekonomskim kretanjima, DEP-a je drastično revidirao svoju projekciju rasta ukupnog izvoza u 2020. godini na -6,4% u odnosu na prethodnu godinu, koja je uslovljena stabilizacijom ekonomskih prilika u glavnim trgovinskim partnerima u drugoj polovini tekuće godine. Trenutno raspoloživi podaci o vanjskotrgovinskoj robnoj razmjeni za prvi kvartal 2020. godine već ukazuje na drastično slabljenje iste u odnosu na prethodnu godinu. Naime u prvom kvartalu 2020. godine izvoz roba iz Bosne i Hercegovine smanjen je za 5,2% u odnosu na isti period prethodne godine, dok je pad robnog izvoza samo u martu mjesecu 2020. godine u odnosu na isti mjesec prethodne godine iznosio oko 15%. Ključno uporište za kretanje makroekonomskih parametara u Bosni i Hercegovini u periodu 2021.-2023. godina predstavlja poboljšanje eksternog okruženja. Međutim, kao što je ranije navedeno međunarodne finansijske institucije još uvijek nisu zvanično publikovale bilo koji dokument koji bi kvantifikovao dužinu trajanja Covid-2019 i ekonomska kretanja za period 2021-2023 godine. S tim u vezi, projekcije DEP-a za ovaj srednjoročni vremenski period zasnovane su na pretpostavci da je epidemija virusa kratkotrajna pojava, odnosno da će biti prevaziđena u drugoj polovini 2020. godine. Prema tome, preduslov realizacije navedenih projekcija predstavlja prevazilaženje novonastalih okolnosti u kratkom roku, poboljšanje međunarodnog ekonomskog okruženja kao i implementacije strukturnih reformi u zemlji kako bi se ojačao doprinos internih dinamika u ekonomskom rastu u Bosni i Hercegovini.

Pod pretpostavkom materijalizacije navedenih okolnosti prema projekcijama DEP-a u prirodu 2021.-2023. godina u Bosni i Hercegovini se očekuje nastavak trenda ekonomskog rasta od oko 3% na godišnjem nivou (2021: 2,8%, 2022: 3,1% i 2023:3,2%). Pretpostavlja se da bi ključni

oslonac ekonomskog rasta tokom ovog perioda trebala predstavljati domaća tražnja. Naime, povećanje ukupne ekonomske aktivnosti u zemlji uz očekivano povećanje industrijske proizvodnje i građevinskih radova praćena povećanjem broja zaposlenih i prihoda od izvoza trebalo bi rezultirati povećanjem raspoloživog dohotka građana, a samim tim i povećanjem privatne potrošnje koja će kao i prethodnih godina predstavljati ključni oslonac ekonomskog rasta. Tako se u periodu 2021. – 2023. godina očekuje prosječna stopa rasta privatne potrošnje od oko 2% (2021: 1,7%, 2022: 1,9%, 2023:2,1%).

S druge strane, imajući u vidu visok nivo javne potrošnje u okviru BDP-a u BiH i napore koji se ulažu kroz proces fiskalne konsolidacije u Bosni i Hercegovini tokom ovog perioda očekuje se postepena stabilizacija javnih finansija kroz smanjenje javnih rashoda i istovremeno povećanje javnih prihoda kako bi se ograničio rast javne potrošnje. Tako se u periodu 2021.-2023. očekuje tek blagi rast javne potrošnje od 0,6% na godišnjem nivou (2021: 0,5%, 2022: 0,7% i 2023: 0,5%). Ako se ima u vidu da bi tokom ovog perioda projicirana stopa ekonomskog rasta bila viša u odnosu na rast javne potrošnje, udio iste u BDP-u bi se djelimično smanjio krajem 2020. godine. U ovom vremenskom periodu očekuje se da bi mjerama fiskalne politike dio sredstava uštede po osnovu tekuće potrošnje trebao biti kanaliziran u svrhu jačanja investicione potrošnje u Bosni i Hercegovini. Samim tim, uz poboljšanje poslovnog ambijenta, investicije bi za razliku od prethodnih godina mogle imati značajan rast a samim tim i veći doprinos u očekivanom rastu BDP-a. U periodu 2021.-2023. godine u Bosni i Hercegovini se očekuje povećanje ukupnih investicija po prosječnoj godišnjoj stopi rasta od oko 7,5% (2021: 7,5%, 2022: 7,6% i 2023: 7,5). U ovom vremenskom okviru pored povećanja privatnih investicija koje čine većinski dio ukupnih investicija (oko 80% ukupnih investicija) kao što je to i ranije navedeno očekuje se i značajnij doprinos javnih investicija. Smatra se da bi napredak u procesu evropskih integracija u kombinaciji sa unapređenjem poslovnog okruženja kroz reformske procese moglo povećati interes kako domaćih tako i stranih investitora za investiciona ulaganja u BiH. S druge strane, obzirom na strukturu i poziciju ekonomije Bosne i Hercegovine smatra se da će javne investicije predstavljati važnu polugu za podsticanje ekonomskog rasta u srednjem roku. Projekti u okviru izgradnje putne infrastrukture i energetske projekti, kao i raspoloživost sredstava kod međunarodnih finansijskih institucija bi uz adekvatnu i pravovremenu implementaciju istih mogli rezultirati godišnjim povećanjem javnih investicija od preko 10%. Tako bi u srednjoročnom vremenskom okviru nivo javnih institucija u okviru BDP-a u Bosni i Hercegovini bio povećan na oko 3,5% BDP-a.

2.2. Tržište rada

Iako u periodu pripreme projekcija nisu raspoloživi podaci za prvi kvartal 2020.godine, novonastala pandemija virusa COVID-19 zasigurno će imati veliki uticaj i na tržište rada. Preliminarni podaci o broju zaposlenih lica u Bosni i Hercegovini u januaru 2020. godine ukazuju na rast broja zaposlenih lica od 2,5% u odnosu na isti period prethodne godine, uz smanjenje broja registrovanih nezaposlenih lica od 6,3% u odnosu na isti period prethodne godine. Prosječna neto plata u januaru 2020.godine iznosila je 945 KM i veća je nominalno za 3,5% u odnosu na isti period prethodne godine.

Međutim, od marta 2020.godine evidentan je uticaj pandemije na tržište rada. Prema službenim evidencijama iz Jedinственog sistema registracije, kontrole i naplate doprinosa, broj

zaposlenih u Federaciji Bosne i Hercegovine prema prebivalištu zaposlenika na dan 31.03.2020.godine iznosio je 528.476 i isti je manji u odnosu na broj od 29.02.2020.godine za 3.474 zaposlenika. U istom obavještenju se takođe navodi da je broj zaposlenih lica već početkom aprila, na dan 03.04.2020. godine ponovo smanjen i iznosio je 520.641 (što je manje za 1,5% u odnosu na kraj marta 2020). Zasiurno da će prve znake krize osjetiti zaposleni u uslužnim djelatnostima. Zbog očekivanog smanjenja obima poslovne aktivnosti koji proizilazi iz krize izazvane COVID-19 u oblastima turizma (smanjenje broja posjeta i noćenja) a potom ugostiteljstva, hoteljerstva, zabave, rekreacije i kulture može se očekivati da broj zaposlenih lica u pomenutim djelatnostima bude niži u odnosu na prethodnu godinu. Pored ovih djelatnosti, u izradi projekcija za tržište rada značajan uticaj će imati kretanje obima investicija, trgovine i uopšte ekonomski rast. Zbog toga su u izradi projekcija uzeta u obzir prethodno opisana dešavanja u oblastima prerađivačke industrije i trgovine u 2020. godini koje zapošljavaju najveći broj lica u Bosni i Hercegovini (oko 39%). Sve navedene promjene bi se negativno odrazile na ukupan broj zaposlenih lica u Bosni i Hercegovini, koji bi u 2020. godini mogao biti manji za oko 1% u odnosu na isti period prethodne godine što bi uticalo na rast stope nezaposlenosti. Istovremeno, pomenuta ekonomska kretanja i lošija poslovna klima mogli bi nepovoljno uticati na zarade radnika u Bosni i Hercegovini, odnosno smanjiti godišnju stopu rasta neto plata u odnosu na prethodnu godinu za oko 1%. Međutim, projekcije na tržištu rada će zavisiti od navedenih rizika kao i planiranih/implementiranih mjera od strane entitetskih vlada i Vijeća ministara Bosne i Hercegovine u cilju ublažavanja posljedica krize izazvane pandemijom COVID-19, kako na ekonomiju tako i na tržište rada.

Izrada srednjoročnog scenarija 2021.-2023. godine u oblasti tržišta rada bazirana je na očekivanom ekonomskom rastu i njegovim osnovnim komponentama u posmatranom periodu od strane DEP-a, odnosno na nivou potražnje, trgovine i investicija. Prema projekcijama DEP-a u 2021.godini se očekuje pozitivan ekonomski rast od 2,8% u odnosu na isti period prethodne godine u BiH. Kao i prethodnih godina, očekuje se da bi doprinosi rastu broja zaposlenih mogao biti skromniji u javnom sektoru u odnosu na ostala područja djelatnosti. Pored toga, broj zaposlenih lica u oblasti uslužnih djelatnosti koje su u 2020. godini bile pogođene krizom mogao bi ponovo početi da se uvećava. Generalno, uz bolju poslovnu klimu, kako u Bosni i Hercegovini tako i u okruženju i zemljama EU, očekuje se povećanje broja zaposlenih u periodu 2021.-2023. godine od 1,5-2,3% g/g uz istovremeno smanjenje broja nezaposlenih lica, ali i nastavak uvećanja neto plate od 2% do 3% u odnosu na isti period prethodne godine. Međutim, pretpostavljeni rizici će bitno determinisati rast broja zaposlenih lica ali i neto plate u periodu na koji se odnose projekcije.

Prema podacima Federalnog zavoda za zapošljavanje, u januaru 2020. godine u Tuzlanskom kantonu je bilo zaposleno ukupno 101.653 osoba. Na evidenciji JU Služba za zapošljavanje Tuzlanskog kantona, Tuzla na kraju decembra 2019. godine evidentirane su 73.965 nezaposlene osobe. Prosječna neto plata u Tuzlanskom kantonu u decembru je iznosila 854,00 KM što je ispod prosjeka Federacije BiH. U odnosu na kantonalni prosjek iz 2018. godine, neto plaća je veća za 7,2%. Najviša prosječna neto plaća u Tuzlanskom kantonu je u sektoru proizvodnje i opskrbe el.energijom (1.684 KM), dok je najniža prosječna neto plaća u ugostiteljstvu i hotelijerstvu (525 KM).

2.3. Osnovne pretpostavke i ciljevi makroekonomske politike BiH i Federacije BiH u periodu 2020.- 2023.godina

Fiskalna politika, usklađena sa mjerama Reformske agende, u 2020.godini i narednom srednjoročnom periodu fokusirana je na podršku makroekonomskom rastu, u cilju povećanja fiskalnog prostora politikama koje promovišu dugoročni rast i suzbijaju sivu ekonomiju. Ključne aktivnosti prvenstveno podrazumijevaju djelovanje u pravcu stvaranja povoljnog i stabilnog poslovnog okruženja, atraktivnog za povećan priliv i domaćih i stranih investicija, kao glavnog generatora prognoziranog srednjoročnog makroekonomskog rasta. Provedbu planiranih aktivnosti i dalje prati nastavak reformi u cilju kreiranja stabilnog poreznog sistema i približavanja istog standardima Evropske unije.

Osnovni makroekonomski ciljevi FBiH u narednom srednjoročnom periodu su:

- Makroekonomska stabilnost
- Stabilnost finansijskog sektora
- Restrukturiranje javne potrošnje i očuvanje socijalne stabilnosti
- Očuvanje tržišta rada i provođenje mjera za povećanje zaposlenosti
- Održivi razvoj
- Europske integracije
- Socijalna uključenost.

Najvažniji cilj u narednom srednjoročnom periodu je očuvanje i dalje jačanje makroekonomske stabilnosti Federacije BiH. U planiranju vlastitog napretka, mora se početi od reformi u socijalnom i ekonomskom sektoru. Trebaju se stvarati uslovi i pretpostavke za punu zaposlenost radne snage i korištenje proizvodnih kapaciteta, koji bi trebali dati krajnji rezultat, povećanje bruto domaćeg proizvoda.

Makroekonomska stabilnost Federacije BiH može biti ugrožena ako bi se nastavilo akumuliranje fiskalnih deficita i nekontrolirano zaduživanje te visoki deficiti tekućeg računa, pa se stoga moraju preduzeti mjere za prilagođavanje uslovima koje diktira postojanje valutnog odbora sa ciljem da se doprinese stabilnosti valute i cijena.

Evropske integracije, kao makroekonomski cilj, omogućit će Federaciji BiH dobijanje dopunskih finansijskih sredstava za potrebe procesa evropskih integracija, od kojih je najznačajnija predpristupna finansijska pomoć Evropske unije (IPA).

3. SREDNJOROČNA FISKALNA POLITIKA

U ovom poglavlju su izložene projekcije prihoda koje se očekuju za finansiranje javne potrošnje u toku srednjoročnog perioda, a na osnovu projiciranih makroekonomskih pokazatelja i postojećih poreznih politika.

Prioriteti u oblasti porezne politike i javnih prihoda za period 2021.- 2023.godina bit će orjentisani na nastavku aktivnosti predlaganja zakonskih rješenja radi osiguranja ambijenta za privredni rast društva, stabilnih i predvidivih uslova poslovanja i jačanje prihodovne strane budžeta svih nivoa vlasti uz poboljšanje naplate javnih prihoda kao osnovnog agregata za planiranje razvojnih, socijalnih i drugih društvenih potreba i obaveza.

U oblasti javnih prihoda kontinuirano se provode i aktivnosti na sagledavanju zakonskih rješenja pripadnosti i raspodjele javnih prihoda u Federaciji BiH, sa posebnim naglaskom na davanje prijedloga za poboljšanje postojećeg vertikalnog i horizontalnog izjednačavanja sistema raspodjele prihoda od indirektnih poreza, što je ujedno i osnov za pripremu novog Zakona o pripadnosti javnih prihoda. Takođe, radi se na uspostavi razmjene podataka o uplaćenim javnim приходima na teritoriji Federacije BiH između Federalnog ministarstva finansija i Porezne uprave FBiH. Tehnička pomoć za realizaciju navedenog pružena je od strane USAID-ovog projekta „FAR“ izradom Modela za izvještavanje, koji će Federalnom ministarstvu finansija obezbjediti pristup i pregled svih uplata javnih prihoda u FBiH i poslužiti kao osnov za unapređenje procesa izvještavanja, analizu fiskalne politike, kao i podloga za izmjenu zakonske regulative u oblasti javnih prihoda.

U ovom periodu očekuje se konačna implementacija projekta mehanizma razmjene podataka o poreznim obveznicima između četiri porezne uprave (UINO, PU FBiH, PURS i PUBD) koji je uspostavljen uz pomoć MMF-a, odnosno potpuna uspostava informacionog sistema na način da svaka porezna uprava ima elektronski pristup informacijama koje se odnose konkretno na porezne obveznike, a koji se nalaze u drugim upravama.

Takođe, u cilju izvršavanja efikasnijeg prikupljanja javnih prihoda i prateći izmjene Zakona koji regulišu direktne poreze, administrativne takse i ostale javne prihode, a u cilju smanjenja sive ekonomije i rada na crno predlaže se novi Opći porezni zakon i Zakon o Poreznoj upravi, sa harmoniziranim rješenjima koji su u primjeni u Republici Srpskoj, posebno sa aspekta poreznih procedura i postupaka.

U strukturi ukupnih poreznih prihoda, konsolidiranih na nivou Federacije BiH, prihodi po osnovu poreza na dohodak, na osnovu podataka o izvršenju za 2018. godinu, uzimaju učešće od 8,8%, sa tendencijom rasta u odnosu na posmatrani prethodni period. Obzirom da je jedan od ciljeva Reformske agende osiguranje srednjoročne fiskalne održivosti kroz znatno smanjenje opterećenja na rad, isto se može postići smanjenjem ukupne stope doprinosa sa 41,5% na 33,5%, proširenjem porezne osnovice poreza na dohodak zbog sistema plate, te uključivanjem u osnovicu ranije neoporezivih naknada. S ciljem zaštite zaposlenih sa najnižim primanjima u društvu od negativnih posljedica promjene u sistemu doprinosa, predlaže se usvajanje novog zakona o porezu na dohodak i zakona o doprinosima, kako bi se umanjilo porezno opterećenje ove kategorije. Posmatrajući prihodovnu stranu, cilj propisa je i osigurati srednjoročnu fiskalnu održivost kantonalnih budžeta, u koje se prihodi po osnovu poreza na dohodak uplaćuju, a koji će uslijed smanjenja javnih prihoda po osnovu jednog izvora dohotka biti kompenzirani oporezivanjem drugog izvora dohotka (ulaganje kapitala, nagradnih igara i igara na sreću, ostali dohodak). Na taj način, planirane izmjene će imati neutralan efekat na ukupan nivo ostvarenja javnih prihoda po ovoj kategoriji.

Vodeći se makroekonomskim pretpostavkama, značajnijim usporavanjem naplate prihoda zabilježenim već u drugoj polovini marta i aprilu tekuće godine, a uzimajući u obzir stabilizacijske mjere preduzete na teritoriji Federacije BiH, zbog krajnje nepredvidivosti toka i dužine trajanja same pandemije virusa COVID-19, te njenih krajnjih reprekusija na globalnu i domaću ekonomiju, projekcije prihoda su rađene sa krajnjom oprežnošću i bazirane na konzervativnom pristupu.

Projekcije za srednjoročni period 2021-2023.godina prate pretpostavku o postepenom oporavku ekonomije i pozitivnim kretanjim ključnih makorekonomskih parametara, ali je njihov nivo, zbog oslabljene baze u 2020.godini, znatno skromniji u odnosu na visok historijski trend bilježen kontinuirano u zadnjih nekoliko godina.

Svaki neplanirani događaj u 2020. godini, koji se u značajnoj mjeri može odraziti na pretpostavljene iznose javnih prihoda, eventualno će dovesti i do ponovnog vanrednog revidiranja projekcija prihoda.

Obzirom da su projekcije prihoda usko vezane za privredni rast, najveći rizik po projekcije kojim smo se vodili pri izradi ovog dokumenta je neuspjeh u ispunjavanju ciljeva privrednog rasta.

Prihodi prikupljeni po osnovu indirektnih poreza (PDV-a, carinskih dadžbina i akciznih dažbina) se uplaćuju na Jedinstveni račun Uprave za indirektno oporezivanje nakon čega se raspodjeljuju slijedećim redom:

1. Otplata vanjskog duga,
2. Raspodjela na račun rezervi,
3. Raspodjela sredstava za potrebno finansiranje institucija BiH,
4. Raspodjela prihoda između entiteta i Brčko Distrikta.

Nakon raspodjele sredstava za otplatu vanjskog duga, preostalo se raspodjeljuje između entiteta i nižih nivoa vlasti. U skladu sa Zakonom o pripadnosti javnih prihoda u FBiH („Službene novine FBiH“ broj 22/06, 43/08, 22/09, 35/14 i 94/15) prihodi sa Jedinstvenog računa se dijele kako slijedi:

1. Finansiranje funkcija Federacije 36,20 %
2. Finansiranje funkcija kantona 51,48 %
3. Finansiranje funkcija jedinica lokalne samouprave 8,42 %
4. Direkcija za ceste 3,90 %

Zakonom o pripadnosti javnih prihoda u Federaciji BiH je detaljno regulirana raspodjela prihoda od indirektnih poreza između Federacije, kantona, jedinica lokalne samouprave i direkcija za ceste, te puna primjena modela raspodjele prihoda po osnovu indirektnih poreza između svih nivoa vlasti u Federaciji BiH na osnovu propisane formule sa utvrđenim kriterijima iz Zakona o pripadnosti javnih prihoda, koja je i korištena prilikom izrade projekcija za ove nivoe vlasti.

4. POLITIKA PRIHODA ZA NIVO TUZLANSKOG KANTONA

Projekcije indirektnih i direktnih poreza za nivo Tuzlanskog kantona za period 2021-2023. godina zasnivaju se na dostavljenih projekcijama od strane Federalnog ministarstva finansija Sarajevo. Vodeći se makroekonomskim pretpostavkama, značajnijim usporavanjem naplate prihoda zabilježnim već u drugoj polovini marta i aprilu tekuće godine, a uzimajući u obzir stabilizacijske mjere preduzete na teritoriji Federacije BiH, zbog krajnje nepredvidivosti toka i dužine trajanja same pandemije virusa COVID-19, te njenih krajnjih reperkusija na globalnu i domaću ekonomiju, projekcije prihoda su rađene sa krajnjom oprežnošću i bazirane na konzervativnom pristupu.

Projekcije prihoda sa Jedinstvenog računa trezora za nivo Tuzlanskog kantona u narednom trogodišnjem periodu su slijedeće:

Tabela 2. — Projekcije prihoda sa Jedinstvenog računa za Tuzlanski kanton

Indirektni porezi (KM)	Projekcija 2021	Projekcija 2022	Projekcija 2023
Kanton	219.190.506	231.968.208	234.852.266
Općine TK ukupno	43.251.800	45.773.162	46.342.259
Direkcija cesta TK	16.018.590	16.823.614	17.112.245
Tuzlanski kanton ukupno	278.460.896	294.564.984	298.306.770

Raspodjela prihoda od indirektnih poreza sa Jedinstvenog računa za 2021. godinu za nivo Tuzlanskog kantona očekuje se u iznosu od 278.460.896,00 KM, od čega za Kanton iznos od 219.190.506,00 KM, za općine iznos od 43.251.800,00 KM i Direkciju cesta TK iznos od 16.018.590,00 KM.

Projekcije prihoda od poreza na dohodak, uključujući zaostale obaveze po osnovu poreza na plaće, za nivo kantona su slijedeće:

Tabela 3. — Projekcije prihoda od poreza na dohodak

Porez na dohodak (KM)	Projekcija 2021	Projekcija 2022	Projekcija 2023
Tuzlanski kanton	29.374.564	30.285.176	31.254.303
Općine TK	18.851.615	19.436.014	20.057.965
Ukupno	48.226.179	49.721.190	51.312.268

Raspodjela prihoda od indirektnih poreza sa Jedinственог računa za općine Tuzlanskog kantona očekuje se u slijedećim iznosima za period 2021.-2023. godina:

Tabela 4. — *Projekcije prihoda sa jedinstvenog računa za gradove / općine TK u KM*

OPĆINE TK	Projekcija 2021.	Projekcija 2022.	Projekcija 2023.
Banovići	2.008.056	2.125.116	2.151.537
Čelić	1.033.916	1.094.189	1.107.793
Doboj Istok	1.007.349	1.066.072	1.079.327
Gračanica	4.485.470	4.746.951	4.805.969
Gradačac	3.900.986	4.128.394	4.179.723
Kalesija	3.318.717	3.512.181	3.555.848
Kladanj	1.273.023	1.347.234	1.363.984
Lukavac	4.146.735	4.388.469	4.443.031
Sapna	1.062.698	1.124.648	1.138.630
Srebrenik	4.027.182	4.261.946	4.314.935
Teočak	690.754	731.021	740.110
Tuzla	10.564.987	11.180.873	11.319.884
Živinice	5.731.926	6.066.069	6.141.488
UKUPNO:	43.251.800	45.773.162	46.342.259

Prihodi od poreza na dohodak na nivou gradova/općina za period 2021.-2023. godina projiciraju se kako slijedi:

Tabela 5. - *Projekcije poreza na dohodak za gradove/ općine TK u KM*

OPĆINE TK	Projekcija 2021.	Projekcija 2022.	Projekcija 2023.
Banovići	989.220	1.019.886	1.052.522
Gračanica	1.505.946	1.552.630	1.602.314
Gradačac	1.166.789	1.202.959	1.241.454
Kalesija	729.944	752.572	776.654
Kladanj	586.273	604.447	623.789
Čelić	276.272	284.836	293.951
Lukavac	1.915.548	1.974.930	2.038.128
Srebrenik	1.084.505	1.118.125	1.153.905
Tuzla	7.729.498	7.969.113	8.224.124
Živinice	1.877.081	1.935.271	1.997.200
Doboj istok	513.466	529.383	546.323
Sapna	234.424	241.691	249.425
Teočak	242.649	250.171	258.176
UKUPNO:	18.851.615	19.436.014	20.057.965

5. PRIHODI BUDŽETA OPĆINE BANOVIĆI

5.1. Ukupno raspoloživi prihodi

Projekcije prihoda od indirektnih i direktnih poreza za Budžet općine Banovići za period 2021- 2023. godina zasnivaju se na projekcijama dostavljenih od strane Ministarstva finansija TK za gradove/općine Tuzlanskog kantona iz mjeseca maja 2020.godine i projekcijama JU Direkcije regionalnih cesta TK. Pod uticajem negativnih dešavanja izazvanih pojavom pandemije i proglašenjem stanja nesreće za tekuću 2020. godinu za općinu Banovići pripadajući prihodi smanjeni za 811.600,00 KM.

U slijedećoj tabeli su navedene projekcije prihoda i primitaka u Budžetu općine Banovići za period 2021.-2023.godina.

Tabela 6.- Prihodi, primici i finansiranje Budžeta općine Banovići u KM

	IZVRŠENJE	PLAN	PROJEKCIJE		
	2019. godina	2020. godina	2021. godina	2022. godina	2023.godina
I UKUPNA BUDŽETSKA SREDSTVA (A+B+C)	9.388.156,00	9.786.140,00	8.637.490,00	8.795.120,00	9.031.760,00
A. Poreski prihodi	4.765.976,00	4.411.080,00	3.747.890,00	3.910.620,00	3.975.060,00
Porez na dobit pojedinaca i preduzeća	8,00	100,00			
Zaostale uplate poreza na plaće	441,00	500,00	200,00	200,00	
Porez na imovinu	527.090,00	427.000,00	451.800,00	451.800,00	451.800,00
Porez na dohodak	1.381.777,00	1.390.610,00	989.020,00	1.019.680,00	1.052.520,00
Prihodi od indirektnih poreza	2.856.609,00	2.592.770,00	2.306.770,00	2.438.840,00	2.470.640,00
Ostali porezi	51,00	100,00	100,00	100,00	100,00
B. Neporezni prihodi	4.557.719,00	5.309.560,00	4.829.600,00	4.824.500,00	4.996.700,00
Prihodi od pod.aktivnosti i imovine	1.501.717,00	1.729.570,00	1.779.100,00	1.810.300,00	1.870.700,00
Naknade i takse i prihodi od javnih usluga	3.055.818,00	3.579.590,00	3.050.000,00	3.013.700,00	3.125.000,00
Novčane kazne	184,00	400,00	500,00	500,00	1.000,00
C. Primici	64.461,00	65.500,00	60.000,00	60.000,00	60.000,00
II NAMJENSKA SREDSTVA GRANTOVI, DONACIJE, PRIMICI I VLASTITA SRED.	778.709,00	1.984.150,00	1.460.600,00	1.600.600,00	1.935.700,00
Primljeni tekući transferi	203.124,00	223.750,00	180.000,00	220.000,00	230.000,00
Kapitalni transferi	441.365,00	1.600.000,00	1.100.000,00	1.200.000,00	1.500.000,00
Prihodi po osnovu vlastite djelatnosti-vlastiti prihodi	134.220,00	160.400,00	180.600,00	180.600,00	205.700,00
III VIŠAK PRIHODA IZ PRETHODNOG PERIODA		1.857.377,00			
UKUPNO PRIHODI, PRIMICI I FINANSIRANJE(I+II+III)	10.166.865,00	13.627.667,00	10.098.090,00	10.395.720,00	10.967.460,00

Očekivani nivo ukupnih budžetskih sredstava koja su na raspolaganju za finansiranje funkcija Budžeta općine Banovići u 2020. godini iznosi 13.627.667,00 KM i u poređenju sa ostvarenjem u 2019.godini koje je iznosilo od 10.166.865,00 KM, veća su za 34,04%, iz razloga što su za 2020. godinu ukuljučena i raspoređena sredstva ostvarenog suficita iz 2019. godine.

Iz istog razloga je i projekcija bužetskih sredstava za 2021.godinu, kao i za naredne dvije godine, manja u odnosu na Budžet 2020.godine.

Projektovani nivo prihoda u 2021.godini iznosi 10.098.090,00 KM, u 2022.godini 10.395.720,00 KM, te u 2023.godini 10.967.460,00 KM. Iz datih projekcija evidentno je da projektovani iznos ukupnih prihoda u 2021.godini ima smanjenje u odnosu na plan Budžeta 2020.godine za 25,90% , projektovani prihodi u 2022. veći za 2,95 % u odnosu na projekcije za 2021.godinu, i rast se nastavlja i u 2023.godini, veći su za 5,49% u odnosu na projekcije za 2022.godinu.

5.2. Porezni prihodi

Ukupni porezni prihodi u 2021. godini predviđaju se u iznosu od 3.747.890,00 KM što je za 663.190,00 KM ili 15,03% manje u odnosu na ove planirane prihode za 2020. godinu. U narednoj godini ovi prihodi procjenjuju se sa povećanjem od 4,34% u odnosu na projekiranu 2021. godinu i u 2023.godini za 1,66% u odnosu na 2022. godinu.

Prihodi od indirektnih poreza su porez na dodanu vrijednost (PDV) i porezi koji pripadaju Direkcijama cesta. Najznačajniji u ovoj grupi prihoda je prihod od PDV-a, koji je preuzet iz revidiranih projekcija prihoda od indirektnih i direktnih poreza općina Tuzlanskog kantona za 2020. godinu i projekcije za period 2021.-2023.godina broj: 07/1-11-950/20 od 08.05.2020. godine i revidiranih projekcija prihoda od indirektnih poreza JU Direkcije regionalnih cesta za 2020. godinu i period 2021.-2023. godina broj: 05-05-337/19 od 18.05.2020. godine i projekirani su u iznosu od 2.306.770,00 KM za 2021.godinu, što je za 11,03 % manje u odnosu na planirane za 2020. godinu. Predviđeni iznos PDV-a u 2022.godini iznosi 2.438.840,00 KM i veći je za 5,73 % od iznosa predviđenog u 2021.godini, i u 2023. godini projekiran je iznos od 2.470.640,00 KM što je za 1,30 % više u odnosu na projekiranu 2022. godinu.

Prihod od poreza na dohodak sa zaostalim uplatama poreza na plaću, u skladu sa smjernicama datim od strane viših nivoa vlasti, se u 2021. godini procjenjuje se u iznosu od 989.220,00 KM sa smanjenjem od 401.890,00 KM ili 28,89% u odnosu na planiranu 2020. godinu. U 2022.godini ovi prihodi se povećavaju za 3,10% u odnosu na 2021. godinu, i u 2023. godini imaju ponovo rast u odnosu na 2022. godinu za 3,20%.

Porez na imovinu od fizičkih i pravnih lica, porez na nasljeđe i darove, porez na promet nepokretnosti fizičkih i pravnih lica naplaćuju se i raspoređuju između budžeta kantona i općina prema kantonalnim propisima, a projekcija ovih prihoda za 2021. godinu je 451.800,00 KM što je za 5,81% više u odnosu na planiranu 2020. godinu, dok je projekcija za 2022. i 2023. godinu planirana na nivou 2021. godine

5.3. Neporezni prihodi

Neporezni prihodi uključuju:

- naknade i takse
- novčane kazne
- posebne naknade
- ostali neporezni prihodi (uključujući i vlastite prihode budžetskih korisnika)
- naknade po osnovu dodjele i korištenja građevinskog zemljišta

Očekivani ukupni iznos prikupljenih neporeznih prihoda (uključujući i vlastite prihode) u 2021. godini iznosi 5.010.200,00 KM. Projekcije neporeznih prihoda u 2022. godini iznosi 5.005.100,00 KM i u 2023. godini 5.202.400,00 KM.

Potrebno je napomenuti da su neporezni prihodi još uvijek najslabija tačka sagledavanja prihoda, koji se kao takvi različito tretiraju u kantonima, općinama i Federaciji, zbog čega treba uslijediti njihovo specificirano i unificirano praćenje.

5.4. Tekući transferi

Primljeni tekući i kapitalni transferi od ostalih nivoa vlasti projicirani su za 2021.godinu u iznosu od 1.280.000,00 KM, što je za 29,81% manje u odnosu na planiranu 2020. godinu. U narednoj 2022. godini primljeni transferi se planiraju sa povećanjem od 10,94% u odnosu na 2021. godinu, dok se u 2023. godini planiraju sa rastom od 21,83% u odnosu na 2022. godinu.

5.5. Rizici po projekcije prihoda

Rizici ostvarenja projiciranih prihoda mogu biti:

- veće usporavanje predviđenog ekonomskog rasta;
- nepredviđene promjene poreznih politika (odsustvo stabilnih koeficijenata raspodjele indirektnih poreza i nepredviđene promjene istih i dr.);
- makroekonomske pretpostavke;
- promjena nivoa zaduženosti Federalnog budžeta (otplate vanjskog duga FBiH);
- razvoj drugih događaja (efikasnost porezne uprave u kontroli naplate javnih prihoda, mogućnost elementarne nepogode).

Projekcije prihoda su usko vezane za ekonomski rast. Eksterno okruženje predstavlja ključnu strukturnu odrednicu domaće ekonomije, pa stoga i ključni rizik po ekonomski rast leži u eventualnom slabljenju izvozne tražnje, što bi dovelo do smanjenja izvoza bh. proizvoda na inostrana tržišta, posebno izvoza na tržišta zemalja EU.

Jedan od rizika odnosi se na makroekonomske pretpostavke, koje će u mnogome ovisiti od uticaja vanjskih faktora, prevashodno rasta cijene nafte na svjetskom tržištu i povratnog uticaja na inflatorna kretanja. Ukoliko su rast i drugi makroekonomski pokazatelji ispod procijenjenog nivoa imat će za posljedicu drugačija kretanja projekcije prihoda u smislu kontinuiranog nadzora poreznih obveznika u dijelu izmirenje obaveza.

Veliki uticaj i rizik za stabilne projekcije prihoda za naredni period predstavlja vanjski dug FBiH, jer je Zakonom o pripadnosti javnih prihoda u FBiH predviđeno da se iz sredstava PDV-a, koja su sa JRT dodijele za finansiranje Federacije, kantona, općina i Direkcije cesta, prvo izvrši otplata vanjskog duga Federacije, te se onda vrši raspodjela ostatka sredstava na ostale korisnike.

Administracija poreznog sistema predstavlja rizik i po projekcije prihoda. Porezni prihodi zavise od unaprjeđenja usklađenosti BiH Institucija i entiteta s jedne strane i svih nivoa vlasti unutar Federacije BiH, pogotovo kad su u pitanju prognoze prihoda od indirektnih poreza.

Projekcije su rađene pod pretpostavkom da neće doći do prenosa nadležnosti između jedinica lokalne samouprave i drugih nivoa vlasti, kao i zakonskih promjena u oblasti indirektnog oporezivanja.

Srednjoročno, postoji rizik migracije stanovništva što bi uz ostalo moglo rezultirati smanjenjem produktivnosti rada i sporijim rastom BDP-a. Nepredviđene promjene poreznih politika koje se prvenstveno odnose na odsustvo stabilnih koeficijenata raspodjele indirektnih poreza, promjena nivoa zaduženosti od planiranog i nepredviđene promjene istih bitno mogu uticati na nepovoljnu realizaciju predviđenih projekcija.

Najveći rizik po pozitivne promjene na tržištu rada predstavljaju eventualna odstupanja, odnosno neprovođenja planiranih strukturnih reformi. Na kretanje ukupnog nivoa cijena uticaj bi mogli imati interni (promjene cijena komunalija, povećanje akciza), kao i eksterni faktori (primarno kretanje cijena sirove nafte i hrane), te bi svako povećanje cijena koje je brže od pretpostavljenog u osnovnom scenariju moglo uvećati nivo inflacije.

6. RASHODI BUDŽETA OPĆINE BANOVIĆI

U skladu sa planiranim okvirom raspoloživih sredstava i prihvaćenom politikom javnih rashoda, date su preporuke o strukturi budžetske potrošnje za naredni trogodišnji period po glavnim ekonomskim stavkama. S tim u vezi, detaljno su razmotrene pojedine kategorije troškova, uključujući plaće i naknade, materijalne troškove, transfere i kapitalnu potrošnju unutar budžeta općine Banovići. Kao i prethodnih godina, planiranje budžeta će se oslanjati na načela stabilizacijskog djelovanja fiskalne politike kroz smanjenje javne potrošnje.

U tabeli 7. dat je kratak pregled javnih rashoda po glavnim ekonomskim stavkama i trendovi njihovih kretanja tokom protekle dvije godine. Ova analiza je važan element procesa srednjoročnog planiranja budžeta jer daje kontekst i osnovu za izradu planova budžetske potrošnje i gornjih granica rashoda.

U 2021.godini očekuje se cca.15 % manji priliv sredstava u Budžet općine Banovići, u odnosu na plan 2020.godine. Obzirom da je sredinom marta 2020.godine proglašeno stanje prirodne nesreće uzrokovano pandemijom virusa COVID-19, od viših nivo vlasti dobili smo revidirane projekcije sa neočekivano velikim smanjenjem pripadajućih prihoda, a što je direktno uticalo na visinu gornjih indikativnih granica prethodno utvrđenih za 2020.godinu.

Rashodi i izdaci Budžeta općine Banovići za 2021. godinu projeciraju se u okviru prognoziranih prihoda u iznosu od 10.098.090,00 KM, za 2022. godinu u iznosu od 10.395.720,00 KM i 2023. godini u iznosu od 10.967.460,00 KM.

U slijedećoj tabeli su navedene projekcije rashoda, izdataka i finansiranja Budžeta općine Banovići za period 2021.-2023.godina:

Tabela 7. - Rashodi, izdaci i finansiranje budžeta općine Banovići za period 2021.-2023.

	IZVRŠENJE	PLAN	PROJEKCIJE		
	2019.godina	2020. godina	2021. godina	2022. godina	2023. godina
Bruto plaće i naknade plaća	2.108.938,00	2.350.520,00	2.350.520,00	2.350.520,00	2.350.520,00
Naknade troškova zaposlenih	311.034,00	450.760,00	450.760,00	450.760,00	450.760,00
Doprinosi poslodavca	285.253,00	319.760,00	319.760,00	319.760,00	319.760,00
Izdaci za materijal, sitni inventar i usluge	1.767.031,00	2.607.312,00	1.961.950,00	2.260.980,00	2.385.820,00
Tekući transferi i drugi tekući rashodi	2.941.387,00	3.762.005,00	2.474.100,00	2.243.700,00	2.420.600,00
Kapitalni transferi	169.286,00	256.000,00	200.000,00	200.000,00	200.000,00
Izdaci za nabavku stalnih sredstava	1.469.367,00	3.615.810,00	2.181.000,00	2.410.000,00	2.680.000,00
Finansiranje-Izdaci za otplate dugova	64.461,00	65.500,00	60.000,00	60.000,00	60.000,00
Tekuća rezerva	54.581,00	200.000,00	100.000,00	100.000,00	100.000,00
U K U P N O	9.171.338,00	13.627.667,00	10.098.090,00	10.395.720,00	10.967.460,00

Plaće i naknade troškova zaposlenih sa doprinosima projicirane su za 2021. godinu u nivou planirane 2020. godine sa iznosom od 3.121.040,00 KM, isti iznos se nastavlja i kroz slijedeće dvije godine.

Predviđeni prihodi ali i rashodi u Dokumentu okvirnog budžeta općine Banovići, kako za izdvajanja za bruto plaće, doprinose poslodavca i naknade troškova zaposlenih tako i za materijalne troškove odnose se samo na zaposlene u Općinskoj upravi jer po uspostavi Registra javne ustanove i ostali korisnici budžeta nisu dobile status budžetskog korisnika i dalje su, do sticanju uslova na prelazak za budžetskog korisnika, ostali u transferu.

U skladu sa članom 18. Zakona o budžetima u Federaciji Bosne i Hercegovine („Sl.novine Federacije BiH“, br.102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) nakon usvajanja od strane Općinskog načelnika, ovaj dokument bit će objavljen na web stranici Općine Banovići i dostavljen Općinskom vijeću Banovići, uz Nacrt budžeta za 2021. godinu, u vidu informacije.

**Bosna i Hercegovina
Federacija Bosne i Hercegovine
Tuzlanski kanton
OPĆINA BANOVIĆI
OPĆINSKI NAČELNIK
Broj:01-11- 1140 /20
Banovići: 23.06.2020.godine**

OPĆINSKI NAČELNIK

Midhat Husić, dipl.ecc